

清代名醫醫案大全

(二)

陸淵雷 校閱



Y.2

正文書局印行

清代名醫醫案大全

陸淵雷校閱

(二)

趙海仙先生

趙履鰲。字海仙。蘇之丹徒人。以博雅聞醫林。自軒岐以至葉薛。無不
覃精研幾。直造其巔。以術名大江南北者。數十年不衰。今其裔之以
醫行者。猶克紹弗替。亦可見先生遺澤之長矣。

清代名醫醫案大全

第二冊

次目

張	趙	王	張	曹	吳	尤
仲	海	旭	千	仁	鞠	在
華	仙	高	里	伯	通	涇
醫	醫	醫	醫	醫	醫	醫
案	案	案	案	案	案	案

錄目案医仙海起

癆損	一
癲狂癰	六
寒腰	八
腫脹	九
痢疾	二〇
五積	二三
便結	二四

齒鈕	二五
鼻淵	二五
梅核氣	二六
噎膈反胃	二六
痺痛	二八
痰癰	二四
肺癰	三

趙海仙醫案

武進徐衡之編纂
嘉定姚若琴

癆損

久嗽金傷。虛癆已著。邇來吸受外風。咳逆有增無減。擬逍遙散加桔梗開之。

當歸 柴胡 款冬 玉金 甘草 枇杷葉 白芍 紫苑 川貝 茯苓 桔梗

木火凌金。咳逆不已。已歷半年。榮衛交虛。聲音不揚。又經兩月。書云。金虛則鳴。金破則啞。此之謂也。久延防入損怯。

當歸 白芍 柴胡 阿子皮 百合 款冬 枇杷葉 山藥 沙參 蘇梗 甘草 笱衣

蟬衣

肺痿已著。延及二月有餘。咽痛頗劇。穀食維艱。脈象弦細而數。擬方以盡人力。

沙參 麥冬 半夏 百合 甘草 桔梗 冬蟲草 雲苓 款冬 糯稻根鬚 橄欖核
抑鬱傷肝。肝火灼肺。咳逆頻仍。迭次見紅。精神萎頓。穀食減少。脈象弦
細而數。損怯之根已露。際此火令司權。仍防血溢爲囑。

北南沙參 甘草 款冬 川貝 丹皮 藕片 雲苓 百合 扁豆衣 桑葉 冬瓜子
糯稻根鬚

先天素賦不充。後天脾土不振。加以木火刑金。欬逆頻仍。聲音不揚。喉
間作痛。已延兩載。損怯已露。姑擬一方。以邀天相。

北南沙參 甘草 扁豆衣 銀胡蝶 紫苑 冬蟲夏草 款冬 烏扇 百合 炙枇杷花
糯稻根鬚

素質先天後天俱屬不足。加以木火凌金。故欬逆頻頻。脾土不健。以致
大便泄瀉。咽痛音啞。脈息細數。已延一載有餘。損怯之勢已露。姑擬補土生
金法。以冀轉重爲輕耳。

百合 野黃芩 扁豆衣 山藥 冬瓜子 川貝 陳皮 桔梗 炙枇杷花 糯稻根鬚

人參 白朮 茯苓 甘草

氣虛鬱滯。血凝成瘀。近加暑熱傷於經絡。絡傷則血溢盆碗。擬方徐徐圖之。

生地 川貝 旋覆 側柏 杏仁 郁金 桑葉 丹皮 橘絡 新絳 降香屑

陽絡受傷。血從上溢。欬逆時形。肺氣受戕。證近三載。間有滑洩夢遺。所幸脈象細軟。與症相合。追值夏至欲臨。不可不預爲防溢耳。

沙參 生地 百合 款冬花 茯神 藕節 白芍 炙草 旱蓮 秋石 石斛 茅根

曲直太過。不時下侮土位。故生泛惡。木不畏金而直上。以致欬逆時形。曾經失血。甚則作嘔。是子累母也。脈象細數。久則恐入損途。

沙參 阿膠 石斛 半夏粉 茯苓 甘草 杏仁 冬花 桑叶 竹茹 陳皮 枇杷葉

木火凌金。欬逆不已。陽絡損傷。火逆血溢。形氣消索。脈象細數。久延防

入損怯之途。

訶子皮 旱蓮草 萎霜 山梔 丹皮 茅根 海浮石 側柏葉 青黛 石斛 桑葉 藕節
水虧於下。火炎于上。欬逆失血。側眠音啞。骨中蒸熱。兩脈細數。勞怯之
機已露。擬方以盡人力。

鱉甲 青蒿 麥冬 沙參 半夏 鷄子青 旱蓮 女貞 石斛 桑葉 杏仁 川貝
枇杷葉

木扣金鳴。絡傷血溢。陰分受傷。內熱頻來。腎不納氣。動則氣短。脈象細
數而弦。左脅間有時疼痛。仍防湧吐。擬咳血方加味。

煨訶子肉 黑山梔 丹皮 杏仁 旱蓮 甘草 茅根 括萎仁去油 海浮石 青黛 石斛
紫苑 藕節

肺主氣而屬金。腎屬水而惡燥。金水交虧。木無所畏。反挾心火以上炎
以致欬逆失血。精神疲而不振。脈象弦細帶數。仲聖有云。男子脈大爲癆。極

細亦爲癆。其理然也。速當節勞靜養爲要。

北南沙參 麥冬 阿膠 川貝 百合 冬花 扁豆 冬瓜子 杏仁 苡米 桑葉 茯苓
梨皮 枇杷葉

天下無逆流之水。人身無倒行之血。水逆流者因乎風。血倒行者因乎氣。氣逆則血溢矣。酌擬育陰潛陽壯水制火之治。

寶珠 山茶花 石斛 側柏葉 乾生地 藕節 十灰散

兩天不足。木扣金鳴。入暮燒熱。清晨盜汗。脾陽不振。以致便唐月餘。再防延入損怯之門。

党參 甘草 陳皮 山藥 於朮 黃芩 枇杷葉 茯苓 白朮 桔梗 牡蠣 川貝 紫苑

肺虛欬逆。曾經失血。辰下子盜母氣。氣喘不能安臥。脈虛弦而滑。症近損怯之途。非易圖功。

紫石英 白芍 南竹子 蛤蚧 甘草 川貝 胡桃肉 附片 於朮 冬花 百合 人參

陳皮

曾經失血。邇來欬逆。咽痛音啞。寒熱往來。已延年餘。肺痿已著。擬方徐圖之。

炙草 桔梗 麥冬 生地 南北沙參 阿膠 油桂 麻仁 紅棗 薑便

癲狂癩

肝旺膽虛。痰熱內擾。遂令神思恍惚。語言舛錯。笑哭無常。甚則發狂。脈象沉細而滑。已經九月。書云。癲症是也。病久根深。難以速效。非徐圖不可。

半夏 南星 養仁 川貝 玉金 桑葉 滌飲散 伏神 磁石 橘紅 蘇梗 防已 丹皮 燈心炭 鷄心九

自患癩症。已歷多年。邇來愈發愈甚。語言舛錯。神思恍惚。由癩而轉癲。根蒂過深。徒恃藥餌無濟也。姑擬一方以觀進退。

辰砂 老獺珠 黑鉛 水銀煨明雄 共研煉 蜜成丸開水送下

五臟有五癩。惟羊癩屬肺金。百由金虛不能制木。木旺而反刑金。故成羊癩。發時右邊爲甚。延及四年之久。根蒂已深。今非煅煉諸方。不克却病。

生羊齒 青礞石 南星 風引散 生羊頭骨 青龍齒 紫石英 磁石 牛黃 製白附子
鷄心包 燈心炭 風化硝 鯉魚膽

另服五癩丸用薄荷湯送下

抑鬱傷肝。驚恐傷胆。熱痰內蘊。記誤舛錯。以致神志恍惚。脈象弦滑。擬方以緩圖之。

萎霜 膽星 橘紅 茯神 真熊膽 梔子 石斛 半夏 炒菊花 丹皮 玉金 苦竹根

驚恐傷膽。膽虛蘊痰。肝傷化風。釀成癩症。已歷十年之久。近來三年尤甚。書云癩者間也。因其發有間斷也。脈象虛弦而滑。病久根深。非徐圖不可。

玉金 天麻 龍齒 茯神 鈞藤 明礬 半夏粉 萎霜 膽星 牽正散 荷葉筋 燈心炭

蜂翅茶 白薇 橘皮絡 雞心包

懷珠六月卒然神昏仆地。牙關緊閉。筋抽肢搖而蠕動。經所謂暑癰是也。擬方速開清竅。庶有轉機。否則防厥陷致變。

天麻 藁藜 伏神 玉金 橘紅絡 桑葉 竹茹 牽正散 石決 鈎鈎 荷葉筋 白薇 菊花

肝旺膽虛。痰熱內擾。遂致言語錯亂。神思恍惚。哭笑無常。噯噫頻仍。癰症已著矣。

夜交藤 半夏 伏神 龍齒 蘇梗 橘絡 川貝 忘憂草 秫米 藁藜 南星 赭石 玉金 血珀

寒腰

腰者腎之府。腎氣不充。溼痰入於經絡。以致腰間作疼。已歷二年之久。擬方徐徐圖之。

牽正散 木瓜 製半夏 桑葉 川斷 茯苓神 金毛狗脊 絡石藤 橘皮絡 藁藜 杜仲

腫脹

溼爲陰邪。本屬無形之氣。脾爲溼困。致失運化之權。是以腹大而脹。臍突腸鳴。穀食不思。小便甚少。卽冀轉解爲佳。否則恐成單腹瘕也。

防已 砂蔻衣 赤苓 澤瀉 腹皮 五茄皮 茅朮 雞內金 香櫟皮 附片 乾姜 桂枝

冬瓜皮 巴豆皮

腫本乎水。脹本乎氣。水溢皮膚。氣鬱脘腹。以致腫脹日增。小便不利。法當和膀胱之氣。氣化則水道通調。腫脹自可漸減也。區區管見。僅陳一二。倘值同志。庶有依歸。

桂枝 雞內金 防風 木瓜 蟾衣 砂蔻衣 大腹皮 蘇叶 茯苓皮 茅朮 橘皮 澤瀉

冬瓜皮

土爲木乘。脾爲溼困。陽氣不能運行。陰霾得以四布。以致運納失利。腹脹漸大。足跗亦腫。小洩不利。速當樂志安閑。權停商賈。俾木得條達之氣。脾

無剋制之害。庶可漸入佳境。

銀朴 腹皮 木香 澤瀉 冬瓜皮 桂枝 草薢 防已 陳皮 赤苓 茅朮 木瓜 乾姜
雞內金

太陰不主轉運。陽明不能宣達。升降失常。水穀之溼內蘊。清濁由此混淆。腫脹由此日甚。陽氣亦微。小便甚少。食入之後。脹不可耐。再延恐有單腹之虞。

半夏 枳實 防已 干姜 砂壳 桂枝 蒼皮 內金 附子 薏壳 橘皮 澤瀉 於朮
腹皮 敗鼓皮

痢疾

痢下純紅。後墜頗甚。法當調氣行血。俾後重便膿漸愈。擬用歸芍大劑湯加味主之。

當歸 白芍 佩蘭 海南子 萊菔子 黃連 木香 穀芽 車前 陳紅茶 製香附

煎服溫脾丸三

胎前下利。延及產後。惡露不行。腹中疴痛。症勢殊屬棘手。切不可服生
化湯。服則痢必增劇。酌擬一方。獲效爲順。

澤蘭 茅朮 川芎 甘草 黑荊芥 白芍 澤瀉 血珀

暑溼蘊於曲腸。致成赤白痢。胃氣大傷。穀食少減。久延有土敗木賊之
虞。擬七味白朮飲加味主之。

於朮 藿香 防風 白芍 陳倉米 甘草 木香 荷蒂 南沙參 茯苓 葛根

素本脾胃兩虛。近加新涼。引動伏邪。身熱不清。紅白滯下。穀食不思。脈
象數大。擬逆流挽舟法。獲效乃吉。

前胡 赤苓 川芎 粳米 羌獨活 厚朴 桔梗 荷蒂 柴胡 枳殼 甘草 煨姜

脾泄三年。客秋增劇。皆由肝木乘脾。大不生土。以致溼熱互結。胸中脹
痛。汨汨有聲。脈象沉弦而濇。再延防有腫滿致變。

半夏 山藥 白芍 糯稻根 陳皮 甘草 附片 荷葉蒂 雲苓 橘紅絡 冬瓜子 白朮
經云腎開竅於二陰。久痢必傷水臟。加之命陽不充。不能生化脾土。以致陽虛失健運之權。交寅分則腹痛而作痢。脈象弦細無神。面色萎黃。已歷半年之久。其爲腎瀉無疑。再延陽氣愈虛。恐生腫脹致變。擬用通陽攝下法。緩以圖之。

吳萸 肉蔻 黨參 黃芪 柴胡 炙草 五味 冬朮 大棗 破故紙 升麻 白芍 附子 荷蒂

暑溼蘊于曲腸。致成滯下。紅倍于白。腹中痛墜。穀食不思。慮其胃敗而成噤口。

木香 砂仁 酒黃芩 赤芍 山楂 地榆炭 萊菔英 荷蒂

由瀉而痢。是戍病尅癸也。已經旬日有餘。表邪未清。迺來正氣已損。穀食不思。恐成噤口之患。